

Dr M jamin beri perlindungan pada syarikat dedahkan rasuah

Malaysiakini

20 September 2019

Dr Mahathir Mohamad memberi jaminan bahawa kerajaan akan melindungi syarikat yang memberikan maklumat berkaitan amalan rasuah.

“Syarikat-syarikat yang memberikan maklumat berkaitan rasuah akan dilindungi,” Mahathir dipetik sebagai berkata oleh New Straits Times hari ini.

Perdana Menteri berkata demikian dalam acara bersama golongan korporat di negara ini bagi mendapatkan bantuan untuk membendung amalan rasuah.

Mahathir berkata pendedahan amalan rasuah sebenarnya baik untuk sektor perniagaan negara.

“Bila rasuah dikurangkan, syarikat boleh buat lebih banyak duit, yang akhirnya dapat mempertingkatkan habuan kepada pekerja, pemegang saham dan rakyat secara umumnya,” katanya.

Copyright © 1999-2012 Mkini Dotcom Sdn. Bhd

Source: <https://www.malysiakini.com/news/492610>